

大寶積經

第九十五

八十二  
制五

47603




元祿九年丙子二月日重脩

皇圖聖圖 帝潛徽昌

佛日增輝 懋輪常轉

山城州天安寺法金剛院置



大寶積經卷第九十五

大唐三藏法師菩提流志奉詔譯

善順菩薩會第二十七

如是我聞一時佛在舍衛國祇樹給孤獨園  
與諸大眾五百聲聞十千菩薩恭敬圍遶時  
舍衛城有一菩薩名曰善順已於過去無量  
佛所種諸善根承事供養於阿耨多羅三藐  
三菩提得不退轉住於大慈心不瞋恚住於  
大悲弘濟無倦住於大喜善安法界住於大  
捨苦樂平等節量時食少欲知足常為眾生  
之所樂見恒以五戒及八齋法於其城中憐  
愍教化然後復勸布施持戒忍辱精進禪定

智慧慈悲喜捨清淨梵行。今時善順菩薩為  
令衆生見佛聞法與諸人衆前後圍繞將詣  
佛所時天帝釋以淨天眼見此菩薩住止精  
進行頭陀行具淨尸羅如濟堅固便自念言  
今此善順於諸梵行曾不懈息將不為求帝  
釋處耶或貪王位及欲樂耶作是念已即便  
化作四丈夫身至菩薩前種種惡言毀罵菩  
薩復以刀仗及於瓦石打擲加害。今時菩薩  
任慈忍力皆忍受之。曾無瞋恨時天帝釋復  
更化作四大丈夫來語菩薩咄哉善順彼諸  
惡人以不善言罵辱於汝及以瓦石刀仗之  
屬橫相打害何不令我為汝讎報我當為汝

斷彼命根。爾時菩薩告彼人言：善男子，等莫作是語。若殺害者，成就惡業。假使有人於我此身節節支解，猶如粟葉，我終不生殺害之心。何以故？殺害之人墮於地獄，餓鬼畜生，乃至雖得人身，所生父母猶不愛念。恒為衆人之所憎惡。善男子，一切諸法，凡有二種：一者善法，二者不善法。由不善法墮於惡趣。若依善法，獲於福利。爾時善順菩薩欲重宣此義，而說偈言：

善惡猶種植，皆隨業所生。何有苦子因成熟甘果者，現見法如是。智者應思惟，苦報酬惡緣。為善常安樂，爾時天帝所化之人聞是言，已自念不能令。

彼菩薩為殺害業忽然不現。爾時天帝復更  
化作金銀寶聚。令諸丈夫至菩薩所作。如是  
言：汝可方便取此珍寶。隨意所用。爾時菩薩  
告彼人言：諸善男子，莫作是說。所以者何？夫  
盜業者能令眾生貧窮下劣，無依無怙。假使  
我貧命不存，濟終不行。於不與取法，諸君當  
知。凡夫愚冥，貪求覆蔽，何有智人行不與取  
。爾時善順菩薩而說偈言：  
積財雖千億  
貪著心不捨  
智者說此人  
在世恒貧苦  
彼雖無一物  
安住捨離心  
智者說斯人  
世間最富貴  
智者離諸惡  
一切皆端嚴  
愚夫由作業  
舉身皆醜陋  
智者勸修善

愚夫恒爲惡 寧受智毀罵 不用愚稱讚  
時彼天帝所化之人聞是言口悵然而去尔  
時天帝復自親試持俱胝金至菩薩所作如  
是言我先於此舍衛大城波斯匿王與餘文  
夫有所諍論須得一人爲我曲證汝能爲我  
作證人者當用此金而以相奉尔時菩薩告  
帝釋言仁者當知夫妄語者爲不善業旣誑  
自身亦誑天龍夜叉乾闥婆阿脩羅迦樓羅  
緊那羅摩睺羅伽由於妄語能爲一切惡之  
根本趣不善道毀清淨戒能壞色身口氣常  
臭所出言詞爲人惡賤尔時菩薩重說偈言  
妄語之人 口氣常臭 入苦惡道 無能救者

夫妄語者誑於自身亦誑天龍摩睺羅等  
當知妄語為諸惡本毀清淨戒死入三塗  
汝設與我滿閻浮金我終不能作於妄語  
時天帝釋聞說是已忽然不現爾時天帝復  
令舍支夫人日光夫人及於五髻諸夫人等  
往菩薩所重加試鍊壞其禁戒時舍支等即  
與五百盛年女人以香塗身花莊藻飾於後  
夜分至菩薩前而作是言我等女人年色殊盛  
願親枕席相與為歡爾時菩薩以無染眼觀彼  
諸女告之言曰地獄畜生閻羅王界諸狂亂者  
不正心者耽昏臭穢膿血不淨愛惡羅刹是汝  
親友非諸天人清淨眷屬爾時菩薩重說偈言

愚人昏迷念不淨

耽染臭穢膿血身

諸欲迅滅歸無常

永沉地獄閻羅界

假令變化如汝等

色身殊勝滿世間

我無一念貪染心

常生如夢如怨想

時舍支等雖盡變態而彼菩薩曾無貪染各

還天宮白帝釋言我觀善順志願堅固當成

正覺無有疑也所以若何彼於我等無少貪

愛但生厭離尔時帝釋雖聞此言猶懷憂惱

如箭中身恒作是念彼人必當毀奪於我無

有疑惑我今應往重加試之於諸願中的何

所願作是思已至菩薩前捨去憍慢頭頂禮

足以偈問曰

仁今勤修淨梵行

於諸欲願何所求

為求日月釋梵天

為求三有諸王位

尔時善願菩薩以偈答曰

我觀日月釋梵天

世間王位三有報

一切無常不堅固

何有智者為茲願

尔時天帝聞此頌曰復白菩薩若如所言為

求何願於是甚羅摩以偈答曰

我本不貪世間樂

但求不生不滅身

勤修方便濟羣生

願同登彼菩提路

尔時天帝聞是頌已心生安樂必知菩薩不

求釋位歡喜踊躍以偈嘆曰

汝言弘濟為羣生

此心廣大無與等

願破魔軍證甘露

由斯恒轉勝法輪

尔時天帝說是偈已恭敬遶旋禮菩薩足忽然不現尔時善順菩薩於其晨朝入舍衛城遊化往來得劫初時閻浮金鈴其鈴價直過閻浮提尔時菩薩持此金鈴於四衢中高聲唱言此舍衛城誰最貧窮當以此鈴而施與之時有最勝者舊長者聞是語已奔走而來白菩薩言我於此城最為貧窮可持此鈴而施於我尔時菩薩語長者言汝非貧者所以者何於此城中有善男子貧中最貧應以此鈴而施與之長者問言誰為此入菩薩答言波斯匿王於此城中最為貧者時彼長者謂

菩薩言莫作是說何以故波斯匿王富貴多  
財庫藏盈溢珍奇賄貨用無窮盡云何乃言  
貧中最貧尔時菩薩於大眾中以偈答曰  
設有伏藏千億餘  
猶如大海吞眾流  
由此復令貧增長  
展轉滋蔓相續生

彼無智者常貧匱

於現在世及未來  
尔時善順菩薩說此偈已與諸大眾即便往  
詣波斯匿王於時彼王方與長者五百餘人  
筭數校計庫藏財寶菩薩尔時前白王言我  
於此城往來遊化得劫初時閻浮金鈴其鈴  
價直過閻浮提我於彼時竊作是念於此城

中有最貧者當持此鈴而施與之復更思惟  
城中最貧莫過王者今賈此鈴願以相奉王既  
貧窮為我受之尔時菩薩作是言已重說偈言  
若人多貪求 積財無厭足 如是狂乱人  
名為最貧者 王恒多賦稅 橫罰無過人  
愛著於國城 不觀來世業 於世得自在  
不能蔭群生 見諸貧苦人 曾無憐愍念  
耽染於女人 不懼於惡道 邪乱未嘗覺  
豈非貧窮者 若人知淨信 歸依佛法僧  
於身及命財 常念不堅固 知不堅固已  
於彼不迷惑 能於身命財 永得常堅固  
若能勤念住 樂於不放逸 彼人名富貴

善財常安樂

如火焚燒時

不馱於林樹

王今亦如是

貪愛無馱足

水不馱於雲

海不馱於水

王今亦如是

何有馱足時

日月常巡歷

不馱於四方

王今亦如是

終命無休息

如火焚燒時

不馱於草木

智人亦如是

未嘗不行善

如水不馱雲

如海不馱水

智人亦如是

不馱善增長

王位雖自在

畢竟歸無常

一切皆不淨

智者應捨離

尔時波斯匿王聞斯語已內

懷慙愧謂菩薩曰善哉仁者汝雖善勸我猶

未信今汝斯言為汝自說為有證乎菩薩答

言汝不聞耶如來應正等覺具一切智今者

見與無量天人。乾闥婆、阿脩羅等在於舍衛  
大城祇樹給孤獨園。當證大王是貧窮人。王  
言：「仁者若如汝說，我願相與往見如來聽聞  
教誨，歸依供養。」菩薩答言：「大王當知，如來境  
界非諸凡愚之所能測。破煩惱慢，哀愍衆生，  
已於聖智。非知此世及於來世，若有善根勝  
意樂者，雖在極遠，佛常加護。若知我心，欲令  
大王於我生信，必當來此爲我作證。」  
爾時菩薩說偈請已，於彼大地忽然震裂。五  
即以偈頌請如來曰：  
如來真實智  
悲愍諸群生，願知我深心。  
垂哀爲作證，

爾時菩薩說偈請已於彼大地忽然震裂五

百聲聞十千菩薩梵釋諸天及於龍鬼無量  
衆生圍遶如來從地涌出善順菩薩合掌恭  
敬前白佛言世尊我先於此舍衛城中遊化  
往來得劫初時閻浮金鈴其鈴價直過閻浮  
提我於今時便作是念若有衆生於舍衛城  
最貧窮者當以此鈴而施與之復自思惟波  
斯匿王於此城中最為貧者何以故恃於王  
位於諸衆生未嘗憐愍殘剥欺奪橫加侵損  
貪愛覆蔽不知厭足我以此王為最貧者欲  
將金鈴而施與之王問我言謂我貧窮誰為  
證者我又答云如來大師應正等覺捨離煩  
惱瞋垢無餘於諸衆生悉皆平等當為作證

唯願世尊示教利喜。尔時世尊為欲調伏波斯匿王而告之曰：大王當知，或有於法善順、貧窮王為富貴，或有於法王為貧窮、善順富貴，所以者何？身登王位於世，自在金銀摩尼車、磔珊瑚庫藏盈滿，當於此時善順貧窮王為富貴，勤修梵行樂淨尸羅，捨家多聞離諸放逸，八齋五戒弘濟無疲，有一於此王實貧窮，善順富貴王今應知。驕薩羅國一切衆生財物庫藏比於善順五戒八齋堅固清淨，百分千分不及其一；至俱胝分亦不及一。尔時波斯匿王親聞如來真實教誨，捨所驕慢，合掌殷勤瞻仰善順而說偈言：

善哉摧伏我憍慢  
以此王位捨於汝

我實貧窮汝為富

王位徒為眾苦因

尔時波斯匿王說是偈已白佛言世尊我於  
今者發於無上大菩提心願於眾生安樂解

脫生死繫縛我今願以財物庫藏金銀之屬

分為三分一分奉施如來世尊及比丘眾一

分施與舍衛城中貧窮苦惱無依怙者一分

財物留資國用凡我所有園池花果悉願奉

施最勝如來并比丘眾唯願世尊垂哀納受

尔時驕薩羅國五百長者覩斯事已皆發無

當得如來最勝身

願恒為汝菩提眾

今知此說非妄言

背於白法生惡趣

上大善提心。今時善順菩薩。白佛言。世尊。唯願如來爲諸大衆說於法要。令諸衆生遇如來者。爲不空過。今時世尊告衆人言。善男子。等有三無量功德。資糧於諸如來。雖有稱說。猶不能盡。況於聲聞諸二乘等。何者。爲三。一者護持正法。二者發善提心。三者勸諸衆生起無上願。復有三十二法。若善男子。若善女人。能勤修者。則爲見於如來。不空過也。一者於諸如來。生不壞信。二者護持正法。令得久住。三者於尊重僧。而不輕慢。四者於應供人。恭敬親近。五者於愛於憎。心常平等。六者恆於正法。樂聞恭敬。七者安任寂靜。離於諠鬧。

八者於如來乘演說無倦九者若說法時不  
爲名利十者志求真實如理勤修十一捨施  
十二持戒十三忍辱十四精進十五禪定十  
六正慧十七於諸衆生隨樂護念十八成熟  
衆生不忘失法十九恒於己身善自調伏二  
十以善法要調伏於他二十一不深煩惱二  
十二常樂出家二十三住阿蘭若二十四聖  
種喜足二十五勤行頭陀二十六捨不善法  
二十七弘誓堅固二十八蘭若無懈二十九  
殖衆善本三十常不放逸三十一遠二乘見  
三十二讚嘆大乘於是五百比丘聞斯法已  
遠塵離垢得法眼淨及萬二千衆生同發阿

稱多羅三藐三菩提心。尔時世尊以法教化  
令諸衆生獲善利。已與諸比丘并餘來衆。忽  
然不現。尔時波斯匿王既覩斯事。踊躍歡喜  
便以二衣價直百千兩金。而以施於善順菩  
薩。作是言曰。善哉。仁者願垂哀納。善順菩薩  
告於王言。大王當知。我於此衣不應受之。所  
以者何。然我自有一百納之衣。恒掛樹枝。以爲箱  
篋。一切衆生無欺奪想。我既自身無慳恡心。  
亦令他人不生愛著。其有施者。名清淨施。時  
波斯匿王復作是言。汝若不受。願當爲我以足  
踏之。令我長夜安樂。利共。善順菩薩。尔時爲於王  
故。即以雙足踏此二衣。時波斯匿王謂善順

言今此之衣便於汝身爲我受訖我何所用  
善順菩薩告於王言汝持此衣施於城中貧  
窮苦惱無依怙者今時波斯匿王如菩薩教  
持此二衣會諸貧人而施與之時諸貧人觸  
斯衣者狂者得心龍鬣者得聞盲者得見根不  
具者悉得具足由於菩薩威神力故彼時衆  
人俱發聲言我今以何報菩薩恩今時空中  
有聲告曰諸人當知善順菩薩不可以於花  
香飲食爲報恩者唯當速發菩提心耳是時  
五百貧人聞於空中有如是聲咸說偈言  
我等今者發菩提心當成正覺說諸勝法  
於諸衆生施以安樂我樂菩提得佛法故

尔時波斯匿王白菩薩言善哉仁者汝若詣  
彼將見如來願時報我我當隨從善順菩薩  
言大王當知諸佛難值正法難聞豈獨大王  
而自往耶當爲衆生作於善友王應於此舍  
衛城中勅諸人民悉令隨從違王教者王法  
治之所以者何凡諸菩薩猶有眷屬圍遶莊  
嚴況於王乎時波斯匿王白菩薩言誰者是  
於菩薩眷屬菩薩答言勸善提心是菩薩眷  
屬今覺悟故勸見如來是菩薩眷屬不虛妄  
故勸聞正法是菩薩眷屬獲多聞故勸見聖  
衆是菩薩眷屬得善友故四攝是菩薩眷屬  
攝衆生故六波羅蜜是菩薩眷屬增長菩提

故三十七品是菩薩眷屬趣向道場故菩薩  
 有斯眷屬莊嚴侍衛能摧魔軍至師子吼登  
 最勝處尔時波斯匿王及諸大衆歡喜踊躍  
 九千衆生離煩惱垢得清淨眼佛說是經已  
 善順菩薩波斯匿王及諸天人皁闍婆阿脩  
 羅等聞佛所說歡喜奉行

大寶積經卷第九十五


咄哉上丁骨反以音早怙音戶悵然上丑向反制反匿

王力反藻飾文上音早姝尺朱反迎私聞反態

他代反耆舊上渠夷反盈溢下夷一賄貨上呼

每反滋蔓茲万恃音市剥必角箱篋下苦怙

也踏躅徒谷反踏音也下正



猪飼順良寄附



